

靈寶領教濟度金書卷

一百三十四之
一百三十五

開四

靈寶領教濟度金書卷之一百三十四 問四

一百三十五同卷

洞微高士開光救苦真人竈全真授

靈寶通玄弘教水南先生林靈真編

科儀立成品師友命過齋用

晚朝行道誦經儀

燒香頌

各禮師存念如法

衛靈呪

五星高耀 瑞炁飛浮 元始集神 天地交周

玉符寶節 嘯命微幽 擲火揚威 奸凶無留
萬魔振伏 紛葩卻消 摧怪伐惡 道炁同流
神光照夜 陰翳俱收 萬仙降格 扇景乘飈
群生咸遂 惠遍神州和與道合真

鳴法鼓二十四通

問四

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為宣意以今

晚朝升壇行道燒香誦經願得玉清道炁靈
寶妙光下降流入臣等身中令臣所啓所奏
速達逕御

太上无極大道至真玉皇上帝御前

謹稱法位

具位臣某與臨壇官衆等謹同誠上啓

虛無自然元始天尊无極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶

瓊臺紫微上宮靈寶至真明皇道君三十六
部尊經書中大法師上相上宰上傳太
平下教二十四真人西城總真王君太元真
人東嶽上卿司命茅君定錄保命二真人名
山洞府得道真仙三界官屬一切真靈臣聞

問四

二

三洞開光耀玄雲於三極九華散景流紫炁
於九坡清虛騰騫翠之芳碧落燦黍珠之象
巍巍大梵落落高張是為玄妙之文實乃希
夷之典臣等粉榆末學蓬華微生雨露承恩
敢昭宣於帝載雷霆煥今願曲賜於皇靈今

有詞文謹當宣奏

宣詞

按如詞旨極切矜哀故三洞弟子其精進求
真辛勤學道建齋醮而攘魔癘未究竒勲飛
章表而策罡圖莫圓妙義虛老時光之荏苒

每隨世路之崎嶇幽夜倏罹乘晨難返臣等

痛師往矣以父事之同學則云道無異學派

本同源痛切肺肝合舉悼亡之典哀縈心膂

願修追遠之儀爰潔塵居聿崇楓陛八鸞暢

轂降紫極之真尊九鳳翼轅輅清微之元聖

借盈尺地露方寸天願垂遷拔之仁爲溥提
携之造俾故三洞弟子某登名南上削過北
都普萬國以均沾合三靈而共被以今落景
晚朝升壇行道誦經運茲初捻上香
願此香煙騰空逕上供養

問四

三

无上至真道寶臣等皈身皈神皈命首體投
地願以是功德上祝

皇帝陛下伏願車書萬里夷夏一宗天錫聰
明坐朝章而底治神資聖武提野俗以登真
茅社誥誥椒庭侃侃今故燒香自皈依

師尊大聖衆至真之德得道之後保天長存
和與道合真

以今晚朝升壇誦經行道運茲二捻上香
願此香煙騰空逕上供養

无上至真經寶臣等皈身皈神皈命首體投
地願以是捻香功德歸流師尹典牧蒞政臨
民伏願魚貫佐時蟬聯體國黃旗紫蓋證六
合以修文朱紱金章肅萬邦而偃武里無妖
域野絕遺蝗今故燒香自皈依

師尊大聖衆至真之德得道之後升入無形

和與道合真

以今晚朝升壇誦經行道運茲三捻上香

願此香煙騰空逕上供養

无上至真師寶臣等皈身皈神皈命首體投地願以是功德歸流四方九野萬姓兆民伏

願仁照覆盆化成擊壤雲聯隴畝野無鴻鴈之憂月滿郊源里有鷄豚之樂金穰應運玉燭宣和今故燒香自皈依

師尊大聖衆至真之德得道之後長享自然

和與道合真

舉七真讚第一首歸位

臣聞上無復祖超三極以包羅中有度人集
萬真而校錄仰玄元之巨澤沛靈寶之弘功
欲藉提携敢忘修誦以今謹率見前清衆升
壇轉誦太上洞玄靈寶无量上品妙經人各

問四

四

一卷專爲亡故三洞弟子其消除多劫以來
故作誤爲宿罪重過所犯上方無極世界一
切玄曹悉祈赦宥仍乞開度上方無邊爽識
同遂超升清衆運誠平坐如法

平坐讚
靜念如法

開經 誦經 經畢

同遊跋 度人无量天尊 結經

仰惟三寶高尊十華上聖曲回鑒映克副傾
投臣向來祇率清衆轉誦太上洞玄靈寶无
量度人上品妙經人各一過專爲故三洞第
子某消除所犯上方多劫罪咎普及上方幽
爽靈識咸希清靜獲遂周圓伏願帝闕垂慈
天關流惠羅敷鳳篆敕宿過以雲收浩蕩龍
恩收寸勲而雷動式宴空都之境面朝明皇
之尊爲如上緣請聖作證念

大步虛第九首詣上方

禮方 方懺 啓神王

其上啓上方无極飛天神王長生大聖無量
度人君恭望真慈曲映俯鑒微衷一如浮黎
法會之時不忘元始付祝之訓特遣上方飛

問四

五

天使者下降玄壇承領符命下告所司開度
故三洞弟子某溥及上方幽爽靈識上登仙
都所有真符謹當告下

告符 宣關

焚簡頌

七真讚第七首歸位

臣聞上無復祖超三極以包羅中有度人集
萬真而校錄仰玄元之巨澤沛靈寶之弘功
欲藉提携敢忘修誦以今謹率見前清衆升
壇轉誦太上洞玄靈寶无量上品妙經人各
一卷專爲亡故三洞弟子其消除多劫以來
故作誤爲宿罪重過所犯下方無極世界一
切玄曹悉祈赦宥仍乞開度下方無邊爽識
同遂超升清衆運誠平坐如法

平坐讚 靜念如法

開經 誦經 經畢

度人无量天尊 結經

仰惟三寶高尊十華上聖曲回鑒映克副傾
投臣向來祇率清衆轉誦太上洞玄靈寶无
量度人上品妙經人各一過專爲故三洞弟
子某消除所犯下方多劫罪咎普及下方幽
爽靈識咸希清靜獲遂周圓伏願梵炁垂慈
靈光流惠寬三尺法過已削於北酆收八百
勲功頓超於南上式宴水運之境面朝洞神
之尊爲如上緣請聖作證念

大歩虛第十首詣下方

禮方四十方總懺儀

臣等今故燒香皈身皈神皈命十方无極太
上靈寶天尊梵炁天君十鄉神仙諸靈官懺
悔亡故某人爰從無始逮至今生三業不除

四

六

六情自恣五官搶擾八識昏迷輕慢科條浮
好道德是非顛倒善惡紛紜五臟三元多違
禁戒四時八節易缺朝修仙品未充帝恩莫
際致使運應滅度身經太陰莫測升沉善爲
懺悔以今修齋設醮行香誦經首過雪愆祈

恩請福无量之罪並乞赦原亡故某了悟玄
機圓明自性復還治職炁入玄玄高步天衢
永無輪轉得道之後升入無形和與道合真

啓神王

某上啓下方无極飛天神王長生大聖無量

度人君恭望真慈曲映俯鑒微衷一如浮黎
法會之時不忘元始付祝之訓特遣下方飛
天使者下降玄壇承領符命下告所司開度
故三洞弟子某溥及下方幽爽靈識上登仙
都所有真符謹當告下

告符 宣關

焚簡頌

七真讚第八首詣三寶前

臣與臨壇官衆等鑪炷寶香重伸供養

虛無自然元始天尊无極大道太上道君太

同四

七

上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上傳太

平下教二十四真人西城總真王君太元真人東嶽上卿司命茅君定錄保命二真人名山洞府得道真仙三界官屬一切真靈臣聞二章演奧超苦海之慈航三篇敷玄實昏衢之慧燭隱韻空歌於萬聖靈音嘯朗於諸天靈寶固建大法橋無文不度玄元道出群迷徑有感斯通故功德以難勝有禎祥之可異巍巍莫極蕩蕩難名凡攄真切之忱實賴提携之造臣向來奉為故三洞弟子某崇建師友命過行香誦經道場看誦太上洞玄靈寶

无量度人上品妙經莫不澄心瀾性滌慮清
神啓紫陽玉匱之條攝齋嘯咏遵丹禁金函
之律縮衽謳誦經聲朗振於十天願力容周
於三界人各十過彰十轉回靈之功經演一
乘表一致同歸之效以茲功德奉爲故三洞
弟子共削落夙過洗滌前愆南丹紀學道之
勲更生受化北鬱刊返真之垢起死升仙永
無輪轉之憂常享太平之運福單後嗣慶及
宗枝稽首皈依無極大道

三聞經

重稱法位

具位臣某恭焚寶香重誠奏啓

虛無自然元始天尊玉宸大道靈寶天尊混
元皇帝道德天尊十方無極太上靈寶天尊
三寶丈人三寶帝君五方五老上帝三十二

同四

八

天上帝木公尊神金母元君上聖高尊諸天
真衆太陽太陰五星道君主筭紀名落死上
生大魁五斗星君護魂養炁通血中主
五帝真君諸天丞相南昌上宮韓司主錄監
生大神度人不死尊神南極長生大君度世

司馬大神好生韓君丈人南上司命司錄延
壽益筭度厄尊神回骸起死无量度人君玄
中大法師三天大法師天真皇人妙行真人
玄一三真人太極太虛真人太極左宮仙翁
沖應真君三界五帝大魔王十方無極飛天
神王長生大聖无量度人君飛天真人飛天
使者飛龍騎吏玄都紫微上宮侍經玉郎玉
童玉女神仙靈官靈寶經籍度三師真君名
山洞府領教真仙三十二天玉童玉女功曹
使者直符香官領仙監齋諸君吏靈寶玄壇

香官使者左右龍虎君三界直符使者四直
玉文功曹玄壇內外一切威靈臣等夙慶攸
鍾昌期欣際駒陰暗老徒窺肘後之丹章鮒
轍自慚莫淪眼中之紅塼虛負承宣之寄未
全化育之功天宇春融幸逃瘴曠城位秋凜

同四

九

莫遂升遷期五體以對揚庶百身而負荷故
三洞弟子某蒙恩罔極惟師是依同學派宗
之異唯喏真常慮名掛於九霄而跡迷於五
濁三惑飄蕩其志氣內喪天和七情顛頓其
精神外令人偽誠莫彈於奏對志惟慢於設

施將吏弗臨神靈靡佑致功賒於五帝而過
犯於三官難逭天威曷逃鬼責自非籲天而
請命何由悔過以祈恩肆演沖科齊聿嚴於
懺謝爰結同志經庸演於勤修伏願上帝哀
憐元皇矜憫察其修真學道志非惡死以貪
生憐其勞心苦神性惟濟生而度死赦除積
過紀錄微功爲紀字於東華即受書於南上
永辭塵世得爲種民蒙監映於丹忱允昭宣
於洪貺上願二極平寧三辰朗晏陰陽順序
風雨均調瑞露凝甘卿雲耀彩鳥獸魚鼈而

咸若動植滋生山川鬼神以攸寧顯微安泰
寒庭息苦夜壑停酸則上明
天尊大慈之化下副臣等皈命之誠謹啓以
聞

發願

復鑪

出堂頌

回靜默

謝師尊

舉回向

靈寶領教濟度金書卷之一百三十四

靈寶領教濟度金書卷之一百三十五

問四

十

洞微高士開光救苦真人竊金真授

靈寶通玄弘教水南先生林靈真編

科儀立成品師友命過齋用

設真靈醮儀

燒香頌

各禮師存念如法

衛靈

鳴法鼓二十四通

發鑪

謹稱法位

具位臣某謹重誠上啓臣以宿慶欣逢玄樞
快覩憲天宏道宣德承符超度先亡和安見
在職守攸繫匪敢怠荒凡有皈投理宜關告
今有故三洞弟子某半生學道勵志耽玄仙

品未充運應滅度臣等恩隆師友盍罄哀誠
爰潔壇場庸伸薦拔三朝行道十徧轉經曲
荷天恩俯從人欲齋懺備舉經法周圓故三
洞弟子某獲離黑都登名朱府靖惟所自實
拜陶鎔環草情鍾若爲報稱敢陳淪祭肅輅
飈遊伏願羽蓋瓊輪翩翩蒞止丹輿綠輦絡
繹齊臨三界職司十華仙聖翼轅乘恪副
翹傾臣下情無任析思伺命之至謹稽首再
拜奏請

問四

十一

謹奉降

太上无極大道虛无自然元始天尊太上大
道君太上老君十方靈寶天尊三寶丈人三
寶天君伏乞應感分輝降臨醮座

謹奉降

昊天玉皇上帝紫微大帝天皇帝五方五
老上帝三十二天上帝四梵天君木公金母
諸天衆聖天真大神上聖高尊伏乞應感分
輝降臨醮座

謹奉降

太陽太陰五星道君五斗星君二十八宿星

君南斗六司真君北斗七元真君璇璣玉衡
周天星象伏乞應感分輝降臨醮座

謹奉降

諸天丞相南昌上官韓司主錄監生大神度
人不死尊神南極長生大君度世司馬大神
好生韓君丈人南上司命司錄延壽益算度
厄尊神迴骸起死無量度人君伏乞應感分
輝降臨醮座

謹奉降

青帝護寬君白帝侍魄君赤帝養炁君黑帝

通血君黃帝中主君五天五帝大魔王三界
大魔王十方无極飛天神王長生大聖无量
度人君飛天神人飛天使者飛天騎吏伏乞
應感分輝降臨醮座

謹奉降

問四

十二

三十六部尊經玄都紫微上宮侍經玉郎玉
童玉女典禁靈妃神仙騎吏三洞威神三寶
官屬伏乞應感分輝降臨醮座

謹奉降

玄中大法師三天大法師天真皇人妙行真

八玄一三真人太虛真人太極左宮仙翁沖
應真人君名山洞府領教真仙得道聖衆本靖
祖玄真經籍度三師真人伏乞應感分輝降
臨醮座

謹奉降

靈寶三十二天玉童玉女功曹使者直符香
官五方五靈玉童玉女諸天飛龍騎吏三洞
天地神真日月星宿江河湖海嶽瀆九宮五
帝兵馬乘騎伏乞應感分輝降臨醮座

謹奉降

靈寶領仙監齋諸君吏六部治職仙官赫奕
仙曹施用仙曹三界所向仙曹仙靈官吏伏
乞應感分輝降臨醮座

謹奉降

靈寶玄壇香官使者左右龍虎君四直玉文

同四

十三

功曹三界直符使者直壇土地虛空監察應
感真靈伏乞應感分輝降臨醮席

初獻

臣謹重誠上啓臣以天貺下臨洞輔降世鸞
圖鳳牒昭布寰瀛度死濟生玄恩罔極幸承

覆載獲覩真宗佩奉修持禮天無數期敷帝
澤庸福存亡上暢宸恩下提民瘼故三洞弟
子某幸依道化一志奉行設醮建齋驅魔遣
癘上章拜表誦經朝元律按威儀寧無違戾
格存俯仰易致謬差誠錯是非敬乖向背揆
諸條令難免譴訶度世延生未臻好術形神
分散遽謝世緣臣等永言孝思不堪哀慕恐
墮幽沈莫測升沉輒按典儀修崇齋事更遵
寶式行香誦經曲荷慈悲溥垂景佑懺罪罪
滅祈福福生無量劫來過咎深淺悉蒙原赦

清淨身心超離苦途普登善地回骸起死受
化更生南昌受書東華定策紀錄功績永爲
種民萬歲千秋逍遙仙路鴻恩曷報蟻悃勤
拳敢奉蘋蘩庸伸芹敬伏異高具日監萬聖
時歆采菲采葑將垂慈鑒臣不勝虔祝之

稽首再拜

亞獻

臣謹重誠上啓臣以視聽自民鑒觀有翼災
祥在德應感無遺故三洞弟子某旣拜恩綸
獲逃言責今生學道期立微功伏願曲赦頒

春龍禧普被賜令枯朽即獲逍遙申錫三官
告命五帝疾除罪簿落滅惡根保舉上仙遊
行三界膺符受職度上南宮千齡一朝永無
輪轉皆如經旨不負訓嚴臣幸忝修真擎奉
至道希夷離俗寧無顧懷所冀元始垂慈虛

同四

十四

皇曲憫潛爲覆蔭慰此至心庶得學道遂成
頓超世網乘晨跡景早證明師丹華書名青
編紀善即圓勲行疾悟真常頓超無爲永辭
有漏蒙如丹悃允拜玄恩上願科教興行經
法流演洞輔通暢道德宣明覆載清寧儀璘

煥耀風雲藏靜雨露滋榮草木蕃鮮山川秀
潤蟲魚樂育鳥獸孳生盜賊消除人民安泰
田多嘉穀野絕遊農六道停輪三途罷對普
天率土陽域陰郊均拜恩榮悉皆慶溢臣不
勝虔祝之至

終獻

宣都疏

臣謹重誠上啓臣以大禮必簡至敬無文饗
帝貴嚴事天以實三周奠獻至罄忱恂一念
敷陳備殫衷素以今聲沉玉籟香冷金彝斗

轉參橫漏殘夜永法事粗悉鸞駕將旋仰望
霓旌已飛天表臣等莫攀法從惟劇神馳升
車之恩乞垂玄祐臣不勝瞻依激切屏營之
至謹稽首再拜奉送

回輶頌

同四

復鑪

十五

靈寶領教濟度金書卷之一百三十五



